

四庫全書

集部

欽定四庫全書

集部

粵西文載卷十三

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官中書臣王 瓚

謄錄監生臣史映綵

欽定四庫全書

粵西文載卷十三

桂林府通判汪森編

志

廣西山川志

有序

黃佐

百粵其山川之萃乎夫東南其下也勢之極也天地之盡也萬物之所歸也其山川之瑰麗詭怪奇偉絕特固如是之多哉或曰不鍾之人而鍾之物故其產多南金

珠璣玳瑁犀象至於草木亦秀異而才罕焉然自唐宋迄於今亦彬彬矣豈物異而才難邪亦漸摩使之然也

桂林府臨桂縣

獨秀峰在郭中高聳直上周迴一里餘

莫休符風土記

獨秀

山踞城稍東凝秀獨出頗與衆山遠故曰獨秀明初考卜其陽為靖江宮殿朱邸四達周垣重遶蒼翠所及皆禁籞間地以故彤亭畫觀上出雲表下漸清池最為諸山麗觀焉外人鮮得至者山故刻有孔子像按圖乃元

人所為及見鄭叔齊記則即山建學自唐已然莫休符
謂其時有從事所居似唐以前府治亦在是有巖曰讀
書以劉宋時始安太守顏延之著名巖前故有五詠堂
鐫顏五君詠

張鳴鳳
桂勝

讀書巖在獨秀峯下直立郡治

後為桂主山傍無坡阜突起千丈峰趾石屋有便房石
榻石牖如環堵之室顏延年守郡時讀書其中

范成大
桂海虞

衡志

桂山在府治東北郭三峰連屬城中望之前峰拔起是

多桂焉次峯宛轉一名北山後峯龍從有巖曰疊綵舊號越王山上有石壇五代時馬殷所築今有馬王臺三

字

通志

疊綵巖在八桂堂後支徑登山大半有洞曲轉

穿出山背

虞衡志

疊綵巖斗徑紆環奇石累積山腰有

洞南北相通穿洞出山北歷級而升巖石益奇聳有三巨峯列峙梯磴迴互遠眺羣山作奔騰趨躍之勢

葉繼熙臨

桂雜識

疊綵山桂城直北重門夾山山分東行曰鎮南

歷仙鶴至疊綵其洞亦以山名一曰風洞洞左小山曰

千越其右小支戟立曰四望唐元常侍晦各有小記鏤
於其山多所發明越亭一詩為茲山麗製至其移鎮浙
東戀戀不忍去見於留別之詠三山蓋常侍之清賞處
築鑿之盛略具風土記中當揭帝未陸時廣池漸麓茂
樹連山千越四望擁翠而前殘霞斷靄渙漫層崖何異
疊綵然不但石文已也洞後則堯山蔽天而下灘江若
練南下鬪雞目之所游羣勝交集又四望之下亂石縱
橫枕籍排突半起半伏坡陀隱軫門徑延曼亦他山所

希有右極城北蒼翠繚絡下則混沌上則瞻鶴諸巖互經亦其輔也

桂勝

越亭在府城北與壽聖寺接連有巖

洞亭臺高峯碧嶂山穴透出北面因名北牖洞遠眺長江極目烟水北人至此多軫鄉思會昌初前使元常侍晦珥服金貂翱翔翰林揚歷臺省性好巖泊時恣盤遊建大八角亭寫其真於院即為寫真院歌臺釣榭石室蓮池流盃亭花藥院特為絕景於時潞寇初平四郊無壘公私宴聚較勝爭先美節良辰尋芳選勝管絃車馬

闐隘路隅

風土記

寶華山在城北三里下廣上銳高矗雲漢

通志

寶積山

夾北城而西是為寶華當山中斷續以雉堞下有重門
為西清寶積山自南來交扼其口前巖東嚮為華景華
景之前橫塘深廣晨飄霞綺夕麗金波得水而觀益增
故唐元常侍晦建亭一曰巖光以巖拂水而寫光也石
屋平敞可視龍隱其後則翠壁上蟠漸至峰首有諸葛
祠從北至西城壁峻削皆斬崖為之雖石頭之險不能

過也唐以前謂西阜高起名其地為盤龍岡諸葛之祠
無亦因岡名與卧龍微相似邪或曰珠合不識所謂然
此五六山峯嶂叅錯北城據之其險亘天而疊綵寶積
兩巖洞分市對開其上不獨人士游賞斯集至於冠蓋
往來南北望皇華之清塵申折柳之餘戀非東之疊綵
則西之寶積矣

桂勝

巖光亭在北羅門外臺亭巖洞亞於越亭亦是元常侍

新置有石碁局爛柯石

風土記

華景洞高廣如十間屋洞門亦然

虞衡志

華景石洞毗

聯朱扉雙啟周迴完密若寢室然窈窕深通紆轉徐折
闔而復明蓋洞之後別敞為口耳附崖竹木掩映聞若
仙居絕頂至諸葛祠臨高矚遠豁然一大觀云

臨桂雜識

隱山本名盤龍岡在府西郭三里與延齡寺相近寶歷
年前使李給事渤開置亭臺種植花木有池沼巨巖水
深無際有嘉蓮白雀諸洞有慶雲亭在山頂有朝陽亭
夕陽亭連理橘山河秀異皆入畫圖作屏障為信好之

珍有從事皇甫湜吳武陵撰碑碣三給事徵起山中後
為考功郎宰相皆書下考以天子巡遊蹂踐禾稼無所
獻替故也及除桂林有歎雁詩曰三朝四黜倦遐征往
復皆愁萬里程爾解分飛却回去我方從此向南行蓋
歎其不復堪遠出云

風土記

隱山六洞皆在西湖中隱

山之上 一曰朝陽 二曰夕陽 三曰南華 四曰北牖 五曰
嘉蓮 六曰白雀 泛湖泊舟自西北登山先至南華出洞
而西至夕陽洞窮有石門可出至北牖出洞十許步至

朝陽又西至北牖穴口隘狹側身入有穴通嘉蓮西湖之外既有四山巉崑碧玉千峰倒影水面固已奇絕而湖心又浸陰山諸洞之外別有奇峯繪畫所不及荷花時有泛舟故事勝賞甲於東南

虞衡志

隱山當夾山南

口潛洞出其東北西山屏其西南小於諸山若亂石疊盤北高南下似無奇峯秀壁炫目驚心惟中有六洞洞皆有水不異鑿出上浮水際唐李公渤名其洞之水曰蒙泉疏泉出山名之曰蒙溪諸洞之名各有三隸書曰

朝陽夕陽南華北牖白雀嘉蓮疑即渤筆宋人云北牖
有渤題名今不知所在亭榭湖水之盛具吳韋記中宋
則張公維大為修浚拓湖至潛洞洞門今尚有刻多紀
其事洞前後兩門可通出入潛有南北之號或因之西
山迤邐兩峰夾道上至高處環桂山水其勝溢昔故唐
人於此登高禪刹道觀爭據兩崖崖鑄佛像僅餘金碧
若乃樓閣塵銷文字露立鳥啼荒塚草蔓石階雖足俯
視兩山然積廢太甚不可復支矣

桂勝

佛子巖亦名鍾隱嵒去城十里號最遠一山突起莽蒼
中山腰有上中下三洞最廣中洞明敞高百許丈上洞
差窄一小寺就洞中結架因石屋為堂室

虞衡志

中隱

山去西城四五里至則小溪淺碧可踐而過循麓入巖
巖有三重其下附地者最為廣平上漸東削然戴履純
石瑩然朗淨無復下方埃壒之狀陟第三重倚牖而望
若游目天表暝烟歸鳥似從下飛侯山返照入巖轉光
風自西來薄巖拂樹與東麓僧菴鍾磬相和炊烟縷縷

起叢薄間遙聞餘響微似犬吠僧云此去木林不遠木
林即其旁地名居人頗衆中隱一作鍾隱土人曰佛子
巖以宋乾道間建有福緣寺為僧祖華所居故名寺廢
已久惟東小菴其地陜阨不足騁目乃三巖下鐫有張
公洞三大篆書又其先有稱呂公巖各具爾時所為序
記中之呂之張不知誰屬乃中隱則其昔名焉

桂勝

琴潭山在城西六里羣山中有一小山巨石林立如鋸
解刀削其下空洞淵然成潭水流琮瑤如琴聲前一小

巖中有石榻石琴旁有荔枝巖石門不甚高中則曠然

深百餘尺多滴乳狀如荔枝

蘇濬
集

清秀山從西清門下濠石道上西臯入夾山口緣山行
一里許有塘曰清巖出其上初名新後仍塘名曰清最
後加以秀云環桂諸山本以孤峭標秀而是山則岡連
隴湊盤紆第鬱長可一里餘獨以巖門下瞰塘水山澤
通氣清彩映發如其名焉一入巖門則有兩巖東西對
闢上出山半其迴朗亦適相敵北郭諸山近在東牖可

招而至其西則陽江北來倚巖可望批崖越壑其流汨
湏過下庄居者前水波寬緩山漸深土漸衍似村塢可
居者然去是山不甚遠向南行三四里出夾山潛洞隱
山蹲踞其口頃行山中見衆山環合江出其裏愛其邃
麗以為近郭希有且幸秋霽一得縱目世顧莫之問然
亦以山隔在西北一隅不惟遊者少所命駕即舉名亦
罔識所在矣

桂勝

灘山在訾家洲西一名沈水山以其山在水中遂名之

故老相傳龍朔中曾降天使投龍於此今每歲旱請雨
潭中多有應前使元常侍以其名與昭應驪山音同故
遂改為儀山

風土記

灘山陽江西來東入灘水魁然起

據南臯之端是為灘山橫障江口引奔瀾東注有北招
伏波南與鬪雞雉山并力扞江之狀洞曰水月門出水
上其高侔闕夏秋之交移舟入中遊魚千百瀟灑几席
間洞朗潭澈光相映燭濱水諸巖洞不能及也南溪諸
山列戟山陽陽江餘波出雉山者亦迴合於前故宋提

刑方公信孺即南壁下建精舍以居曰雲崖軒軒廢已
久前邵令君以仁於提刑所鐫詩前建屋署榜曰古雲
崖軒因祠范方兩公於中前學憲鄱陽劉公應麒增起
廊舍學憲南昌熊公惟學易墻以磚今兩廣督府靈璧
劉公繼文復命脩飾自是可漸復軒舊觀矣軒左有洞
東出曰東暉東有高巖曰南酉桂勝灘山據灘江之濱
橫障江流與伏波鬪雞峙前有水月洞後為古雲崖軒
宋方信孺故居也羽王起數椽祀方與范致能故以九

月廿日約余為汎舟之役虞衡志云水月洞在灘山之麓其半枕江刊刻作大洞門透徹山背頂高數十丈其形正圓望之端整如大月輪江別派流貫洞中踞石弄水如坐捲蓬大橋下大月輪之中又一小規穿山而南出暑月坐規中風颼颼起洞口真不減北窓羲皇也其下可以觀魚亦可濯足乘舟過之如象掀鼻俗亦稱象鼻嵒是日欲遂游南溪龍洞日下春不果

桂海志續

雉山東北麓下歟江水其上側起有昂首欲飛之勢名

或因之昔人遂以白雉聞僧顯誦經事附之山山在灘
山南溪諸山間往城南虹橋未築時灘波撼其東陽江
遶其北襟帶兩水潭綰其轂弭權登臯巖門在焉巖自
南入稍深詰曲可七八丈倚山南望見灘挾陽江與彈
丸南溪諸水浩漾長邁瀾縈灘迅縹綠天際泐泐然欲
起即攬雲於蒼梧觀濤於南海也有宋諸公當日宴集
楔亭青羅閣今皆不知所在近得僧粗營菴居鐘磬餘
音適與水石蕭寥之響相答亦堪清聽乃山北危崖佛

閣平野酒亭非不據勝互列巖表然巖壁無一舊刻豈

昔人遊覽有未及哉母亦以閣則迫山院陜亭則對岸

喧囂自昔已然矣

桂勝

雉巖下濱江獨山有小洞洞門

下臨灘江

虞衡志

雉山南渡後虞使君沆字叔子嘗守

雷州避地於此桂州陳方彥以其地畀之故有虞使君

宅

曹學佺名勝志

雉山沿江十級上巖不甚峭而幽能始道

尊構一閣兩崖中幽隱可居

鄭圭與西山水可遊記

鬪雞山在雉山東兩山在左右狀若揮羽相鬪故名其

山標竦烟雲麓插江潭南溪之水亦出其下

集 散溪

鬪

雞山山半有穴南北橫貫故以穿名或題曰空明宋胡

槻名曰月巖

名勝志

南溪山從鬪雞山北水口入諸峯迴合四壁峭懸烟翠
黝蒼著衣如染上有巖洞西南曰白龍洞西北曰元巖
洞有泉曰新泉其前有軒溪水經其下芳藻相映隔水
茅居砧杵間發枝禽答響唐李公渤所賞心處也出洞
折而東南行里許至劉仙巖劉仙者以郡人劉仲遠學

道其中上有仲遠足跡名曰仙跡前有道觀長松落落
據牀小憩頗有蕭疎之狀從觀後入洞門深奧詰曲如
窺房闥復折而上雙洞如閣曠然大明中有石柱上刻
劉仙篆文從洞西北緣山腰登最高處有巖曰泗洲平
坦高爽延景宿雲可以遠眺復折而下有洞狹而長高
數十仞深入百步內有重門幽徑環迴窈窕似斷復通
石乳潔白參差礚礚傍多玉池玄井杳不可測洞之西
有潭曰曲斗水合於南溪水面花黃又名金蓮港

集
紫溪

白龍洞在南溪平地半山中龕有大石屋由屋右壁

入洞行半途有小石室

虞衡志

白龍洞由鬪雞山口別

有派曰南溪挈小舟問津而入四壁峭懸蒼翠時落人
衣袂溯流南去高山麗空其半有洞躡衣而上洞口有
物倒懸如龍首故名白龍入度石磴石室磴墜洞前朱
欄小閣倚欄平疇綠遶碧流涓涓出藻荇間注橋而下
即李公所鑿新泉也余以遊省春後十日與韋閬帥至
山有二洞九室白龍當巽維其西北曰玄嵒嵒之上曰

丹室白龍之右曰石室皆渤所名總之俱讓白龍

桂海志續

劉仙巖在白龍洞之陽仙人劉仲遠所居也石室高

廣出半山間

虞衡志

淨餅山在城南十餘里山如頽雲西面襟江波淪迴旋
中有小洲浮起如印後有洞洞門懸石離披波翻浪捲
其中有石如張蓋垂垂下覆傍窺則宛似衰荷敗葉名
曰蓮葉洞從蓮葉下再穿後洞坦平爽塏又有一洞曰
仙蔗洞頂垂一笋可三丈餘離地僅尺許

歙溪集

伏波巖突然而起且千丈下有洞可容二十榻穿鑿通透戶牖傍出有懸石如柱去地一線不合俗名馬伏波試劍石前浸江濱波浪洶湧日夜激齧之

虞衡志

伏波

山山東劃江巖亦東嚮自非風雨晦冥初景微射先燭巖室漸晃潭壑孤峯羣木如出潭裏亦巖居川觀之麗矚也且無他道可入非舟莫達故游舸多集其下唐伏波廟在郭東北二里去山較遠宋元豐間游者題作泐波取麓過瀾迴故云任呂賦詩於巖曰玩珠不似後人

相循還珠已也或云還珠亦宋人為桂帥清德之頌盖
比孟嘗珠去復還焉以其時合浦隸桂郡其意則美惜
無所據山後則桂城東北雉堞交加故西一面界在城
中東北有蒙亭遺址亭詩與記并鐫山壁又癸水光月
兩亭今廢題名內有龍石在木龍渡去山里許水中有
石龍狀可羣飲其上巖門又有試劍石亦鑿空伏波為
之者

桂勝

木龍洞在癸水門外北去伏波巖四百步許西望疊綵

巖僅百步也孔道通行如砥如矢驅車飛蓋綽然而餘

旁復有小洞相通

名勝志

木龍洞旁城數十武有二石

玲瓏俯江可眺

鄭圭記

七星山渡江而東則有七星峰駢岫列高視近野羣山

莫與並然亦有諸巖洞冷水出其東栖霞出其西又

有玄風彈丸為栖霞左右掖南則龍隱雖小隔越諸峰

迴映連綴狀斗故曰七星彈丸溪水流經山前冷水亦

自有泉橫貫其中以曾相國布梁水上故巖一名曰曾

公栖霞相傳名起自唐宋改為仙李巖玄風則陰廳從
洞出坐者忘暑彈丸本以溪石圓轉名之而其他烟堂
霧室半出空中道絕不可攀窺者有七八處若在地上
列炬可入火光所及瑋怪觸目不可勝數雖積乳所鍾
巧踰雕畫孰為此者造物人謀鬼謀烏可效乎惜不遭
班張左潘覩靈祕發盛藻賦之以傳而徒得鬼瑣如宋
以來載筆者能無慨哉非此又無所錄龍隱特起故別
之桂勝七星崑峙江東里許列岫如北斗山半有洞名

栖霞時惟中秋與臬副李君約入洞而後至省春嵩李君畏不敢入余乃徑入入洞石倒挂峻嶒手捫壁走闇中百餘武已復大明猶然上洞也下洞更在其下下數十級更益宏朗如堂皇仰首見鯉魚躍洞頂正視之忘其非真也已過三天門每過則石楹垂立僅度單人第乏扁鐫耳過已則又黝然深黑目力不能窮高或十尋濶或百尺束炬照之傍列萬形命黃冠一一指之此為象則捲鼻卧此為獅則抱毬而弄此為駱駝則長頸而

鞍背此為湘山佛則合掌立此為布袋和尚則側坐開口而胡盧半為石乳萬古滴瀝自成巧於雕刻如水精狀半乃真石想其初亦乳結也誰為為此真造物之奇哉其他如牀如几如晒網如奕棊如魚如鳥如佛手足顧此失彼不得盡矚亦不得而盡名之風凜凜出崦岵間雖傍烟炬尚寒慄行稍遠則鳴鈺鼓噪恐有怪物逼也多岐路恐迷行則時相呼集或云通九疑山龍潭一水列而深黑不得底久立魄悸業已可七八里忽復

瑤濤雪浪中立一圓阜丈許俗稱海水浴金山也怪矣
近遊者又得一岐里許名禪房半壁坐一菩薩像黑石
隱隱可七寸房中暖氣更融融也從此又東行見白圓
光乃有一洞口出山之背下慶林觀粵中多蛇虺獨洞
中不栖故得酣游焉亦若鬼神呵護之洞有玄風彈丸
為左右翼余未暇去

桂海
志續

七星嵒在水東境路幽舊

林石間出嵒有七山累累星列巖在其腹巖口有老君
祠像不甚大傳是開元時物祠閣亦隘曹能始道尊大

廓之殊勝大巖有二僧持炬先導口喃喃不休道所見
物像如人如馬如獅如象如魚網如寶蓋纓絡者不可
指數歷七峰下可三四里始出復有林麓可休可游時
奉祀沈君越人持具候余小酌相近有文昌橋

鄭圭記

棲霞洞在七星山七星山者七峰位置如北斗又一小
峯在傍曰輔星石洞在山半腹入石門下行百餘級得
平地可坐數十人傍有兩路其一西行兩壁石液凝洳
玉雪晶熒頂高數十丈路濶亦三四丈如行通衢中頓

足曳杖鏗然有聲如鼓鐘聲蓋洞之下又有洞焉半里
遇大壑不可進一路北行俯僂而入數步則寬廣兩傍
十許丈鍾乳垂下累累凡乳牀必因石脈而出不自頑
石出也進里餘所見益奇又行食頃則多岐游者恐迷
途不敢進云通九疑山也

虞衡志

栖霞洞唐祀玄元於

此故名玄元栖霞洞傳聞洞前有唐慶林觀又曰東觀

桂勝

東觀距府郭三里隔長河其東南皆崇山巨壑綠

竹青松崆峒幽奇登臨險易不可名狀有石門勢甚襟

東秉燭行五十步洞穴始坦平如毬場可容千百人如
此者八九所約略相似皆有清泉淥水乳液葩粦怪石
嵌空龍盤虎踞引燭緣涉竟日而還終莫能際相傳云
昔有人好泉石多束花果裹糧深涉而行還計其所行
已及東河之下如聞棹櫂湍湍之聲在其上又山外高
峰舊有亭臺近已摧壞又以為通九疑山

風土記

玄風洞去棲霞傍數百步風自洞中出寒如冰雪

虞衡志

彈丸山以山下出石子磊落如彈故名按水經注云灘

水又南合彈丸溪水出於彈丸山是也湧泉奔流衝激山巘及谿中有石自然珠圓故取名焉山有二巖皆北向左巖廣可九筵石斜覆若奇雲垂垂欲壓右巖廣可三室東西兩洞如東西廂下有彈丸溪水入於江

名勝志

省春嵒在七星山之右如簷覆前有石乳承溜又如枯槎倒挂長七尺餘桂林四際溪山不留寸土惟此平田廣穡一望豁如故令長行春省耕於此山勢面東夕陽不入洞前甃以瑤臺圍以石檻右有小洞二三穿山

而過架以層樓更衣燕息此延賓之善地也余以過棲

霞洞留飲於此

省春嵩舊名彈丸山又名彈子巖桂海志續

龍隱洞龍隱巖皆在七星山脚沒江水中泛舟至石壁

下有大洞門高可百丈鼓櫂而入仰觀洞頂有龍跡天

矯若印泥然其長竟洞舟行僅一箭許別有洞門可出

巖在洞側山半有小寺即巖為佛堂不復屋

虞衡志

龍

隱山七星迴映並薄青旻惟龍隱分道宅南自表宜以
巖名建山之號云或曰龍影以龍去影存游者刺舟轉

碕入竇見其上石裂長數丈作鱗甲形登岸緣麓則有大巖如排高門坐堂皇可以廣宴或題曰龍騰謂龍已絕地上飛天漢右亦有巖曰月牙狀月之初乃騰隱兩巖列坐則丹曜滅燄引舟則玄壑生涼用消暑為快不似諸空洞來風或中人也騰巖又有滴玉泉泉從山椒點點墮石穴琤然作清響宋人來游酌石溜試新茗即此中故有釋迦寺環翠驂鸞兩閣又有雨華堂或曰驂鸞乃宋范公成大亭或仍閣之名范又有驂鸞記記自

吳入桂道里所歷亭廢續建後更名曰怡雲即故亭地
宋游人最盛鐫題之衆至環兩巖使壁無完石他巖未之

有也

桂勝

屏風巖在平地斷山峭壁下入洞門上下左右皆高廣
百餘丈中有平地可宴百客仰視鍾乳森然倒垂者甚
多躡石磴五十級有石穴通明透月而出則山川城郭
恍然無際余因其處作壺天觀而命其洞曰空明
虞衡志
屏風山山形折疊故以屏名去圓通灣不遠灣水紆

滴下接彈丸溪未至灣分道行稍北抵麓又稍東巖門在焉其門東嚮上高下廣外屬平野野無雜樹彌望皆長松七星諸峰近在東南蒼翠明滅若湧松濤入巖見兩壁瑩潔如新琢玉屏不但折疊微似已也深入十數丈地漸高起又似築臺其上上有石如鍾墮地高起處有石磴躡盡則天光直射為後小門范公成大表以空明又於其外作壺天觀觀久廢遊者憩飲巖中如在玉壺又右壁上有懸崖可捫以登嘯呼其間又令人有五

城十二樓之想壁左有李彥弼為程鄰作建築隆兌州

記故一名程公巖

桂勝

湘水巖在城東三十里俗呼聖水巖夜半則潮上巖日

中則潮下巖每日如常略不愆期地廣數十畝水經注

所云潮汐塘也

名勝志

虞山出自北城山起東隅灘水漾其左黃潭縈其後下

有洞曰韶音入洞面潭水石清漪其地一名為皇澤灣

洞南平原舜祠在焉前則古松數十株樛枝密葉交撐

互擁圓若軒蓋長若旌幢彷彿有駕蒼虬翼翠鳳逡巡
南表之狀於後則重巘上盤平障倒列又若負扆南嚮
黃潭本灘小支疑即宋王祖道相城之北穿為長池引
潭灌注用作癸水范方繼踵鳩工增繕或為渠或為閘
名曰朝宗使東接灘江西達隱山之湖其曰癸水以方
隅所直故云山左側臨灘處枕麓特高上有亭曰南薰
倚檻東睇堯山積翠與波澹淡倏有風至前掠松林後
戛潭壑鳥鳴其間諸響迭臻笙鏞璆石如奏有韶於是

山之下不但延眺稱秀曠也已

桂勝

舜祠在虞山之下

有澄潭號黃潭古老相承言舜南巡曾遊此潭今每遇
歲旱張旗震鼓請雨多應中有大魚遇洪水汎下至府
東門河際停宿巨舫徃徃載起然終不為人之害

風土記

立魚峰在西山後雄偉高峻如植立一魚餘峰甚多皆
蒼石刻峭

虞衡志

立魚峰高數十丈純石紅紫色若魚

形逞立在韶音洞西緣磴而上絕頂羣山如瑤簪玉筍

森然在目唐人登高於此

名勝志

延齡寺聖像在西山

前近隱山舊號西慶林寺武宗廢毀宣宗再崇峰巒互
張雲木交映為一府勝遊之所寺有古像徵於碑碣盖
廬舍那佛之所報身也

風土記

明月洞在立魚峰南鳥

道陟險捫蘿而升洞去平地數千尺外隘中宏周如繭
室可容十許人寢處旁通甕牖牖外方石丈餘其平若
砥下視來徑歷歷不夾西向因巖構宇佛子居之

名勝志

堯山在府東北隅大江與舜祠相望遂名堯山山有廟
絕靈四時公私饗奠不絕相傳為秦時建北接湖山連

亘千餘里天將降雨則雲霧四起逡巡風雨立至每歲

農耕候雨輒以堯山雲卜期

風土記

堯山雖界在靈川

去桂城東北十里積土盤迴亦略帶石長竟數百里高亦為桂諸山之冠陰雨將至先有白雲起其中冥濛漸合飄灑隨及山道多松從松間上山亦有盤石參差橫道望見兩掖皆有石巖在其下道詰曲處土人云靈官頭上有平田曰天子因堯以名後訛曰天賜其最高處曰白鹿禪師故菴地按漢書始安侯國其下注引始安

郡記曰東有駁樂山遼山豈遼訛為堯白鹿即駁樂皆以其聲相近故邪有堯廟在山下平地自廟而西七八里有辰山踰七星龍隱而南有穿山渡灘西行稍遠有琴潭山北城之外有望夫山

桂勝

堯山連岡磅礴奄數

邑界桂山百里皆石而惟此積土以成更益為奇登其巔則萬石疊於西南灘江來自東北良足娛也

桂海志續

曾公洞舊名冷水巖山根石門砢然入門石橋甚華曾丞相子宣所作內有澗水莫知所從來自洞中右旋東

流橋下復自右入莫知所往或謂洑流入於江也度橋有山田數畝過田路窄且濕俯視石罅尺餘匍匐而進

旋復高曠可通棲霞

虞衡志

北潛洞在隱山之北中有石室石臺石果之屬石果作荔枝胡桃棗栗之形人采取玩之或以飭盤相問遺

南潛洞在西湖中羅家山上

虞衡志

虛秀洞去城差遠大石室面平野室左右皆有徑隧各數十百步穿透兩傍亦臨平野

虞衡志

辰山在城東北十里山有三巖下巖初入昏黑行十餘步乃明豁有石室穹然坐三十餘客巖扉西向下瞰平野山川城郭瞭然在目自巖扉左登陟磴百餘級至中巖乳石奇怪可駭可愕又由閣道至上巖巖之巔有小亭放目天際冥濛杳靄不可窮極嘉泰初士人劉晞家其下經略李大異嘉其隱操名曰蟄龍巖

紫溪集

辰山

在城北東渡三四里堯山所徑土人名曰虎山中巖重起略似中隱宋士人劉升之始出此巖於荒第中遊者

驚詫以為桂林諸山之冠相傳升之為諸生日呂帥愿
中招見任寄居士喻以秦城有王氣俾各賦詩以諂檜
升之獨不從人服其抗節云

名勝志

望夫山去北城外不遠刻有宋餞別姓氏或曰在望夫
之旁明月山洞亦以明月名或又曰劉安一作留菴姑

兩存之

桂勝

灘江與湘同源出興安海陽山至其縣北醜為二流灘
則經靈渠南出繚繞桂城東北城之西南帶以陽江從

灘山下入於灘水波寬廣為桂金湯之固岸傍數山或
扼其衝或遮其去故間有亂石及沙潭處清淺為灘湛
碧為潭餘雖深至一二丈其下石雜五色草蕪諸種所
有遊魚羣嬉水面間沒葉底停撓少選種狀可盡別以
此水最清洞澈無翳飛雲過鳥景不能遁南中人士自
袂襖之外良辰吉日浮舟宴集乃其故俗觀宋之問三
月三日詩自唐為然矣至宋諸公或有乘月汎游播之
歌詠良以清景娛人且無風濤之惡故也灘經城東樓

冠其上唐曰東樓東樓之北有樓曰逍遙亦下枕離宗

改逍遙曰湘南

桂勝

離水與湘水出一山而分源也湘

離之間陸地廣百餘步謂之始安嶠嶠即越城嶠也嶠

水自嶠之陽南流注離名曰始安水故庾仲初之賦揚

都云判五嶺而分流漢書所謂出零陵下離水者也

鄺道

元水經注

唐人從城東至北建有三亭亭皆據離其一為

東山亭風土記云府之東門有大亭枕江與望月樓接

最近子城其一為拜表亭風土記云北接碧潯南連望

月東俯長河西鄰雉堞前正山北廬尚書匡建置其一
為碧潯亭風土記云大中初前韋舍人瓘初造在子城
東北隅十餘步接連逍遙樓前近大江館宇宏麗制作
精緻高下敞豁冠諸亭院後有去思館舊名青桂館前
政吏部張侍郎驚除替飾褻於此遂改為去思館韋舍
人年十九入闕應進士舉二十一進士狀頭榜下除左
拾遺於時名重縉紳指期直上馬相為長安令二十八
度候謁不蒙一見後任廉察桂林裁半歲而馬相執大

政尋追懷舊事之非時除賓客分司悵望留詩於碧潯亭

桂勝

離所挾諸水陽江為大源出靈川縣之思磨山一

出維摩嶺流至郭西領杉木蓮花諸塘水匯為澄潭歷

西南文昌三石梁東出離山與離合對岸即城宋時於

城下構亭曰陽亭

名勝志

離南流至鬪雞山南溪之水

自西南來合出山陰入離從水口上泝白龍劉仙登岸

徑便白龍洞前將軍橋下水中有泉甘冽宜茗又東為

金蓮港每夏秋間其花盛發搖漾水面鬱若金粲亦臨

汎佳處

桂勝

彈丸溪上接圓通灣水下合流小支流經

七星龍隱至穿山下所出水口當關雞亦注於灘

訾家洲起灘水中近城東隅唐元和中裴中丞行立砌

建亭閣於其上

桂勝

訾家洲在子城東南百餘步長河

中先是訾家所居因以名焉洲每經大水不曾淹浸相

承言其浮也

風土記

相思江在城南五十里唐地里志云臨桂縣有相思埭
長壽元年築以分水使東西流東合灘江西滙白石水

濶各十丈源出白石山下其地有會仙里昔有羣仙會
集輜輶羽駕遍於碧空竟日而去里人聚觀狀聞於朝
因名會仙里又三十里為甘巖大江之右其源亦出靈
川思磨山自水側湧出巖方十餘丈大如屋室莫究其
深淺盛夏詣之凜然增寒

名勝志

朝宗渠宋人於城北當道穿渠使其流東接灘江西入
西湖達於陽江用補形勝之所不及張仲宇盛事記云
王公祖道漁子癸之流以注辛戌環城有水如血脈之

縈一身遂聞之朝故大觀二年准勅著令壅隔新湫者
以盜決黃汴二河隄防法坐之其年桂士得舉者衆范
公成大又復脩之具勸駕詩序中方公信孺至又為繕
築然今湮塞已盡土人至以朦朧橋呼之近歲於橋旁
得石記乃方公信孺修渠文

桂勝

西清寶賢其壕水春夏之交齋淪山麓崖花水藻叢發
清綺隔水百十家隱見木末後負連山前則萬荷遮映
鼓棹而遊不減若邪之勝

隱山之下故有蒙溪引溪為湖遂成巨浸名曰西湖今
悉為田僅餘一線水出注陽江

城中有三塘水一曰陽橋一曰西湖一曰揭帝宋於揭
帝旁大興浚築有八桂堂泛淥閣熙春臺今並廢其地
在東北隅起伏波竟北門足稱長廣顧居者環繞而塘
身無幾且各有所主者不若陽橋東西薄城中帶麗譙
有紆餘婉委之態西湖在郡解西名與隱山湖同不知
所起然亦不及陽橋

靈川縣

高鎮山在縣西南二里古名大象峰一名大藏其下有
潭橫浸山腹名象潭其形三折又名之潭元至正年大
藏山崩後名其所崩崖為赤壁因名赤壁山及建祠以
祀諸葛武侯

名勝志

真仙巖在縣西南三里石屋穹窿

可坐數十人乳花凝結為纓絡寶蓋之狀又七里曰仙
隱巖門高五尺邃若堂皇秉炬而入百步有深潭投之
以石聲若鳴鉦古傳神仙棲隱之所又十里為華嚴洞

高廣數仞清泉環繞昔時有桃花片濶寸許從洞中流出千秋峯在縣東北十里獨立危聳下有峽通大江名千秋峽銀江之水出焉南注於灘舜華山在縣西二十里峯多奇秀如冠如笏如人趨而拜之狀又十里有讀書巖宋秦方兄弟讀書處雙蓋山在縣西北十里高百餘丈兩峯圓峙若張傘然又二十里為靈巖山大江洞其腹濶數十丈深不可測遙望山根橫光一線迫之乃知巖在山底水上表裏明徹而然巖口水面拍

拍僅容小舟擊汰而入仰視巖腹與水面正平相去丈餘水深不可施篙仰撐巖腹以行佐之以楫少進尺寸遇聲發則山水皆應大聲叱咤則碑隱若裂可駭當巖正中石穴隆如蓋其下為神龍所居輿地紀勝云南北相通正如堂殿水灌巖中其色如藍北障山在縣北倚之若屏障也山綿亘數十里每風颭起則飛鳥回旋不能度俗諺云鳥不過靈川北障山與堯山對峙高廣稱之山周環八百源其著者滑石泉也泉出黃石似

泥非泥昔人鑿以龍首注為塘禪士全用誠依泉結菴
居焉宋崇寧間鄒浩竄昭州北還題詩馬頭今日云云
南渡紹興六年胡舜陟帥桂易名為漱玉泉因題詩奔
走塵沙云云明萬厯壬子歲縣令蔣一葵更名道鄉泉
蓋湖南嶽麓有道鄉臺張宣公為鄒忠公設者而蔣令
與忠公同為毘陵人云按今有道鄉泉碑亭在山心鋪
官路側去小融江渡里許 呂仙山在今治西南平阜
以唐光化中呂巖遊此因名即靈川舊縣也其地產茶

宋紹聖間秦觀以言事謫嶺南寓居靈川一年嘗賦呂仙茶十二韻宋紹定四年縣令鄭延年始遷今所出

府城北十里有雙女塚俗傳二妃來尋帝舜卒葬於此

塚高十丈周迴二里餘

在今靈川界風土記下同

府北郭松徑盡

處有安南都護普讚塚普讚靈川人其宅今為聖壽寺有廟在寺之北下歿後殯於此時有識地勢者言葬所有天子氣由是掘斷至夜又有陰兵填平如舊既而再掘復平不已時有効役者宿其所夜聞鬼兵相語曰能

以青布運土投江則我等無能為也及明主吏聞宿者
言遂用青布輦運土投河竟免陰兵填築今墳所掘處
猶存有石人石柱松楸百餘株或云訾家洲因運此土
流下成洲

在今靈川界

靈巖蓋縣西三十里之龍巖村有

山高數十丈居平地中龍朔二年山忽晦冥者七晝夜
大雷雨龍升而霽山腹遂空高三十丈許長倍之石間
鱗甲至今隱現若存其下為深淵莫測水從西江來者
皆滙之西江即六峒黃柏川江也其源俱出全州西延

之境與湖廣新寧交界逶七都蠻峒而來六峒居中黃

柏川江在左右以成川字故巖曰靈巖川曰靈川

名勝志

小融江自興安來至江南大埠口與大融江匯左右

刺合故曰灘津大融江下二十餘里為千秋峽叢山列

擁尖削如筆亦名筆峽風水相搏濤色如銀名曰銀江

其氣清淑四時若秋故曰千秋又過縣南二十里之甘

棠墟與甘水合又十里之白石潭其水甚深相傳縣南

二里許有蛟精塘昔藏妖蜃傷隄害物南齊永明四年

始安內史裴昭明夢神女七人雲冠玉佩各執小旂圭
印自言為荊楚以南司禍福之神此方被妖蜃所害今
當禁之於白石湫既覺詢其故得之先時湫水險急舟
觸無所不敗乃為建祠秩祀湫水遂平唐李義山詩神
護青楓岸龍移白石湫即此 堯嶺在邑東南盡處古
謂之東嶺有東嶺神祠李唐以前更為堯廟其曰秦時
建者本軒轅彌明詩中祖龍開國盡遐荒廟建唐堯鎮
此邦語耳今祭品出靈川 舜華山與堯山相望下有

池曰舜池 盤古嶺建盤古祠於其上盤嶺而南為半雲山即莫休符所載雙女陵普讚塚地也邑之南界接臨桂之北

興安縣

縣舊名臨源以地臨湘灘二水之源也舊城在縣南鄉廖仙井傍遺址尚存按水經注云灘水與湘水出海陽山而分源湘灘之間陸地廣百餘步謂之始安嶠即越嶠也水自嶠之陽南流注灘名曰始安水故庾仲初賦

揚都云判五嶺而分流唐通典亦謂之臨源嶺嶺在縣

北三里即全義嶺也

名勝志

海陽山在縣南九十里山

形如覆釜有巖極幽邃秉燭而入行數百步至水泉處
濶不盈尺其深莫測 始安水又南與潞水合潞水源

出南鄉名桃花源又有融水出融山二峒中零水出縣

西南五十里鬱金山俱南流入灘 始皇利粵之犀角

象齒翡翠珠璣乃使尉屠睢發卒五十萬為五軍一軍

塞鐔城之嶺一軍守九疑之塞一軍處番禺之都一軍

守南野之界一軍結餘干之水興安縣有靈渠亦名秦鑿渠始皇命屠睢伐越史祿轉餉乃自零陵上流鑿渠至桂林渠內置斗門三十六所每斗門閘之以俟水積漸進故能循崖而上建瓴而下既通舟楫又利灌溉號

為靈渠

淮南子
鴻烈解

靈渠自北而南三十二陡又由灘通

銅鼓水自東而西入永福六陡六陡冬月水消則涸絕

不行

魏濟嶠
南瑣記

靈渠在縣北五里即導灘水者也亦名

秦鑿渠漢戈船將軍出零陵下湘水即此路後漢伏波

將軍馬援因秦舊渠開湘水六十里穿度城仍折而北入於湘今名中江是也至唐寶曆間渠道崩壞觀察使李渤乃疊石造堤如鉞嘴狀劈分二水每水置石斗門一使制之開灘水則入於桂江壅桂江則歸之湘水又鑿分水渠三十五步濶僅五六尺以便行舟其後咸通中魚孟威宋慶厯中李師中相繼修築之渠上有漢伏波祠

名勝志

古秦城在縣西南四十里其側有秦王廟

蓋始皇二十三年築以限越者通鑑唐昭宗光化元年

馬殷引兵取桂州自秦城以北望風奔潰即此 龍蟠
山在縣東十五里本名盤龍唐天寶改今名山有石洞
其門數重遊者秉炬而入常見龍迹於泥沙中其大如
盃嶺表錄異云山有乳洞斜貫一溪名靈水溪溪中魚
皆修尾四尺丹其腹人不敢捕否則有風雷 石康嶺
在縣西週八十里逶迤至縣後旋而向之其下源泉四
出南有雙女廟廟旁有石突出高五丈俗呼神石石罅
濶寸許請雨於廟者用茅探罅以餅盛之須臾水隨茅

出注鉞仰望嶺巔雲起而雨立至乳洞在縣西南十里有上中下三洞其中虛明夏涼冬溫內有清泉噴出沿石壁左流成溪觸石湍激有聲洞門左旋而上十餘步至中洞地勢爽塏內有田數畦左有三石如柱旁有隙可通入石室又承下洞水氣蒸潤常有烟霧旋擁左有石道曲折凡數百級至上洞入門平曠水淺可涉乘炬而入石乳玲瓏有五色石橫亘其上行數百步有石高十餘丈色亦五彩又有石牀石室千態萬狀宋李邦

彥名之曰飛霞洞隸書王谿橋三字又有張孝祥大書

上清三洞四字

歙溪集

鳴玉洞在縣西南十里餘去渠

岸不遠洞門雖狹內極廣大深邃有石乳下懸又有石

牀石笋石盤諸狀泉聲琮琤舊名梵音邑令羅震易今

名

通志

草聖巖在縣西十五里前有寺今廢唐僧雲嶠

習草書其中有雲嶠書堂及滌硯池巖之東有穴圓如

月名月山又五里為白雪峰峙立渠江之側皤白如積

雪故名上巖深廣可容百許人

名勝志

狀元峰在縣東

南九星山之西聳秀特立峰下唐則居焉鄉人因則父

子相繼登科遂名

通志

點燈山在縣西三里有巖昔有

陶處士讀書此山夜有燈光因名 龍山在縣西四十

里民居環繞唐質肅公先墳在焉 雙女井在縣治南

流入灘江世傳有王姓者清明舉家皆往祭掃止遺二

女在宅風雨暴作忽陷所居二女沒焉其井源深不測

首合靈渠

名勝志

嚴關在治北十七里兩山壁立上鑄

嚴關二大字或謂漢歸義越侯嚴出零陵下灘水定越

建功由此故名又謂此關當隘路而可畏也桂林諸生徐謹征西記云宋末經略使馬瑋以阻元兵鑿馬坑嶺斷路處

陽朔縣

龍頭山在縣東北向高千餘尺以形似而名唐詩人曹鄴家在焉今建慈光寺於此

名勝志

都利山灘水南徑

以出香草故名一曰都荔漢樂章云都荔逐芳即此縣治設在山下治南數百步為鑑山其石光瑩與縣治拱

揖時見人物車馬之形有鑑山寺唐同光年建有宋太宗御製碑 鳥山在縣南五里濱江其形如鳥舒翅而立下有白鶴觀基址 東人山在縣東南十五里此山之狀似人冠帶而拱揖其西亦有石如人冠帶若坐而受之者 碧蓮峰在縣西十五里峯巒重疊簇出如蓮華 威南山其下有吳威南將軍墓通志作晉征南將軍薛翊墓 又為塘山下有湧泉瀦流為淵山巔之氣與威南相接傍有乳洞中多滴乳觀源之溪出焉 屏障山在縣治左

峽其狀正方如屏 寨山在縣西二十里稠密四固如
寨馬氏湖南割據置戍於此山下即歸義故基也其東
為讀書巖曹侍郎鄴讀書於此 畫山在縣北五十里
離江之上九頂屹立丹崖翠壁望之如繪 廣福巖在
縣南二十里中有複閣堂殿兩傍石室疊如層龕有羅
漢像俗即名羅漢洞也今為戍籍居之溪橋樹色宛若
桃源 繡山與臨桂接界舟入陽朔必先歷此亦可以
棹艇遊於其中 犀潭在縣西三十里龍濟松江二橋

水匯處中有石穴云犀所藏岸傍細草如茸呼曰犀草
飛泉在縣西五十里泉湧山腰懸石百級飛注而下
如挂銀河入於桂江 吳武陵陽朔廳壁記稱海嶠衡
巫諸山會於陽朔蓋指海陽山而言即靈興二縣界之
陽海也其地在楚粵之交為一嶺所限嶠以北皆荆楚
之域也海者泉盛大之稱水北曰陽故曰海陽其水北
趨而分湘灘者為龍巖又東南出泉曰掉巖水下陽朔
一山一巖分湘灘朔為三水故名三山海陽今始安嶠

去陽朔下蒼梧者乃其故道故漢書曰或下灘津或下陽朔也

全州

湘山在州西一里峯巒鬱巖洞幽深絕頂有飛來石相傳自羅浮飛來者其稍夷處曰筍布臺寂照大師經行之所有湘山寺唐咸通二年建寺門二層徑長百餘丈始入殿由兩廡升達殿後有浮屠俗名無量壽佛塔即師示寂處也巔有甲亭眺覽郡中如在畫圖又有法

華玉虬二泉

名勝志

柳山在州北二里郡之主峯舊名

北山為柳刺史所遊賞因即其姓為名有寸月臺拔地
七十丈岡巒迴複禽鳥希蹤二江東流波影炫目柳公
仲塗築室讀書有書堂紹興間州守林岳為之記魏禹
卿云近日柳山書院應泉井中有巨石乘風雨飛入井
內昂首低尾狀如龍馬其高廣正與井之石甃相似實
嘉靖壬寅四月七日也 湘水發源於陽海與灘分處
地名鉾背匯而為潭名曰漢潭導入中江在湘灘二水

之中陽海之舊江也 洮水出州北三十里之文山山

下出泉瀆激有聲故名水經注云洮水出洮陽縣西南
東流注於湘水漢英布軍敗走江南高祖令別將追之
擊布軍於洮水南北皆大破之如淳注云洮陽之洮音
韜蓋布舊與長沙王婚其敗也布往從之洮水出長沙
國境內故布之軍大敗於此劉宗武帝繼母舅蕭卓為
洮陽令文帝元嘉三十年宗慤以功封洮陽侯皆其地
鉢孟山州東南合江門對岸巋然聳立即羅水灌水

入湘處明知州顧璘易為完山有合江亭觀察茶陵龍
大有建 三華山在州南五里與湘山寺正對頂有三
峰形如華蓋州學之賓山也 龍城山在州東一里有
古顏垣如城塹狀 獅子巖在州西四里以形似名亦
即湘山之一峯也徑由歸雲菴而上有白石如帶可五
六丈許側隘不可通俯視石罅僅二三尺秉燭而入深
廣可容三百人中有數疊如階磴然又十里為石燕岡
有巖高深二十丈時有石燕迴翔其中 龍巖在州北

十五里飛泉如練琮琤激越故以礮名中有石田石鼓蓮華臺閣之像甚多又城西南三十五里有青田巖城南四十里有波斯巖皆稱絕勝 倚石山在州南六十

里以巖石相倚故名建安之水出焉舊設建安驛處

神仙巖在州北六十里為古神仙所居有石刻幽徑二字 黃華山在州東北六十里郡國志之黃山也橫亘

如榜舊名獵山 覆釜山州西長鄉跨湖廣新寧縣界

其山上接層穹下臨無地遊者攀緣絕壑而上有天馬

佛足諸蹤產掃階竹僅尺許葉密而小乾久不脫

灌陽縣

灌水去縣南北十里自興安界流入水北曰陽故曰灌

陽

名勝志

峽山在縣北五里夾江峙岸幽聳蔽日形似

三峽故名縣有沙羅馬渡龍川鹽川諸水咸滙於此東
流入湘攷水經注云觀水出臨賀郡之謝沐縣界西北
徑觀陽縣西即此水也灌古謂之觀其入湘處謂之觀
口華山在縣西南七里有虞帝祠江水遶其麓通

真巖在縣西二里又名靈巖前後洞門敞朗約深十餘丈廣二十餘步如大厦形又八里為仙源洞世傳有柳子厚遺跡其傍有大源塘打鼓洞在縣西四十里水經注云觀陽縣東有裴巖其下有石鼓形如覆船扣之清響遠徹即此洞也其水流入灌沙河之水出九龍巖中通別澗有石藤九其形盤屈如龍水流入灌陽灘

永寧州

寶蓋山州之主山也黃源之水出焉北流合永福水入

於灘而州北之大長江源出都狼山州東之東江合四

源水皆注之

名勝志

方輿勝覽云東郭先生廖扶家有

丹砂井一族數百口飲此井者皆百餘歲按州東有巖
名百壽舊名夫子巖宋紹定己丑知縣史渭鑄百壽字
於石崖蓋指此也今豎有平古田碑 虎踞巖在州東

南二里石柱崢嶸光明弘敞秉炬而入有石大士滴乳
天成從巖而下又有金竺巖深窅廣邃流泉一泓其上
凝溜物象森錯 將軍巖在州西五里洞門之右若將

軍踞坐然入半里許上下方平如砥有石乳恍垂芝撒
網等狀 穿巖在州西三十里穿成複道如覆厦屋坦
長二十餘丈人馬通行之地忘其為奇也 天村山在
州西南百里山頂有田居民耕種成村故名 都狼嶺
在州北六十里于向與黃巢戰處詳人物

永福縣

鳳巢山在縣城北本名華蓋隋大業二年鳳鳥來巢百
禽集於山下宋建隆間復有雙鳳巢之守臣以聞詔遣

使鑿巢下石得美玉故以為名山頂有玉液池其下即

王世則故居太平興國八年狀元也

名勝志

麻蘭山在

舊理定縣界距縣西南六十里寰宇記云從府至柳州路經北山過溪百餘里方至平路山中有毒出尋溪水行有伏流有平流峭絕險隘更無別路柳宗元詩桂州西南又千里灘水鬪石麻蘭高唐桂帥早禱多由此其水流為下漏川以入灘木皮丹竹二江俱自古田界流出注焉而平樂府之修仁縣界古磔江荔浦縣界之石

流江亦相灌委 太和山在理定城後崖谷盤紆西南
有江自古田出名太和江嶠南瑣記云靈渠自北而南
三十二陡又由灘通銅鼓水自東而西入永福六陡六
陡冬月水消則涸絕不行又云自理定西行麻蘭烏沙
諸嶺險絕刺天無蜿蜒迤邐之狀路極逼仄每遇嶺則
直上至絕頂乃下下抵澗水乃已度澗又復上如此者
三四程聞之飛雲九折勢雖險峭尚可乘車策蹇而行
不至若是也諸嶺每遇狹處謂之阨子必有大小石子

一堆意必戍士積之以備他虞者及詢之則云行人過此必從山下攜石一塊寘其下祝云願增脚力

義寧縣

靈鷲山在縣西南十五里峭拔高峻上有瀑布泉白鹿菴又五里為巖洞山高數十仞容十餘榻泉繞洞前舊傳有桃花片大寸許從洞中流出

名勝志

義江在縣北

七十里源出丁嶺流至蘇橋分為三入永福江一歷銅鼓墟東流合相思水入灘履齒痕在江口石磯上相

傳蜀漢時有武當者偕諸葛武侯征牂牁溺智惠江死
焉英靈白晝掇金甲揮刃大呼響應山谷嘗臨流踞坐
磯上屐痕宛然可觀



粵西文載卷十三

欽定四庫全書

集部

粵西文獻卷十四

詳校官庶吉士臣瑚圖禮

主事銜臣徐以坤覆勘

總校官庶吉士臣朱 齡

校對官中書臣王 瓚

謄錄監生臣黃奕遐

欽定四庫全書

粵西文載卷十四

桂林府通判汪森編

志

柳州府

牂牁水既與龍融二江合過柳州宛轉環遶如壺城蓋
水北來還轉向北東處如壺之領城則居其腹也柳山
迴互交錯而水從之柳子厚所謂江流曲似九迴腸者

以此

魏濟西事珥

柳江在城南一名潯水源出懷遠流經

象州歷潯梧至廣東入江

名勝志

馬平縣

峨山距城西三里一名深峨山有雙瀑布飛流如鵝亦

名鵝山

名勝志

立魚山在江南岸里許以形似名山半

巖洞玲瓏前一巨洞左右二門通後二洞高廣明潔如

堂房可供遊宴山足有潭名小龍潭中多魚與大江通

江水消漲此潭隨之又里許為屏山以其方正類屏為

甌山以其突圓類甌又二里為雷山兩岸東西大山相
向南有飛來廟最靈廟下深潭名大龍潭柳子厚有雷
塘祈雨文 仙奕山在城西南詳在柳河東柳州山水
近治可遊者記又次為駕鶴山旁臨大江聳挂如鶴古
州治之所扈也又次為新洞山與鵝山相對有洞可坐
百人石乳融結以杖觸之作鐘磬聲 背石山在城北
十里其東山曰桃竹西曰雀岡俗名夾道雙山 龍壁
山在城東十五里石壁峭豎下臨大江郡城之下關也

有洞曰關洞距城八里 柳江即城南江經江口鎮合
相思埭永福雒容之水下潯州與鬱水合是曰黔江
白蓮池在北關外池有九竅泉出其中又城北隅有井
柳子厚為之銘沈傳師書見金石錄 陸道仙泉在城
東南十里仙巖之麓相傳有陸道人者修煉於此巖洞
玲瓏泉流不竭有古詩刻甚多 仙人迹在城東北十
五里有石平地突出周半里許上有巨人迹二相傳鍾
呂二仙所留按志城南亦有仙迹山其麓有大雲寺唐

初建後燬於火仍修復之柳子厚有復寺記

雒容縣

雒清江在縣南半里自桂江分流經縣界至郡城三江

口入於柳江縣以此名

名勝志

龍鼻江發源託定雒斗

鄉流入雒清江

會仙崑在縣南白象崑有石鐘鼓擊

之鏗然思微山上有泉穴四時不涸屏石山下有泉

崖水出其中

如來山在縣南十五里高聳峭拔相傳

有神女降於此

羅城縣

東黃山在縣東有崑曰淵秀

名勝志

鳳凰山在縣北二

里又八里為覆鐘山俱以形似而名

冰山在縣西北

四十里其上高寒四時常冰又四十里為葵山以形似

之或謂其產多葵故名

石硯山在縣西九十里聖水

發源於此

武陽江在縣北界有二源一自高懸里出

一自平西里出皆至武陽寨合流入沙拱江

柳城縣

青鳳山在縣西二里高百餘仞上有一竅通明亦名穿

山

名勝志

烏蠻山在城東南二里高聳臨江下有深潭

澄湛徹底以其山石純盧故名 勒馬山在縣北三里

舊縣治處 銅磬山一名雲蓋山在縣西十里高大峻

聳雲霧常覆其上 筆架山在縣東十里尖銳而秀故

名 觀音巖在縣西北回環相通西有臨西閣北有丹

霞亭南有石田石盆池嵒東有會仙巖巖中有仙人迹

丹爐 龍江在縣西源出慶遠與融水合流會柳江

湧珠泉在城西七十里自地湧出相傳諸葛孔明南征過此馬跑其地其泉湧出故又名馬跑泉

懷遠縣

平山在縣北五里宋建平州以此一名屏山其下為治平洲廣數百畝可以耕種

名勝志

縣在丹陽州即古丹

陽鎮也蒼帽山在其北珠玉山在其南天馬山在其東挂榜山在其西又北為大桂山再遠為唐朝山與湖廣通道縣界九曲山在下石門其山巔處高萬仞怪石

巖巖中有一泓碧練莫竅 石門山有四江左右兩山
夾峙崖石峭竪若門古州江出黎平古州合容江及靖
州諸水至縣 板江在縣北界源自扶勞山出牛頭上
甕經邊田入大江 蕉花江在縣北二十里源自蕉花
村至江口入大江又十五里為田寨江源出吼江北原
經田寨播營丹竹入大江又三十里為西波江源自白
雉山入甘邊江會合水江 四里江自大理馬平經白
花古利龍塘入潯江 斗江水自江源大地入潯江

大融江古州清水江之水出焉即舊縣西北大江也

融縣

獨秀山在縣西一里挺然秀發上千雲霄又里許為旗

山勢稍衍迤香山廟棲其麓舊有香山驛

名勝志

老人

巖在縣西南四里舊傳有老人拄杖悠然其上故名疊

巖隆起不啻千仞山半削壁中忽開巖竇高朗通明寬

敞軒豁登者自山後石徑縈紆而上數憩乃至臨巖一

眺俯視萬家雲際諸山如在几榻

紫溪集

玉華巖在城

西北四里巖間有一石蹲踞如虎昂首而上驤又一石蜿蜒如龍垂首而下盼謂之龍吟虎嘯巖 劉公巖在城南四里舊名西峰宋紹定間郡守劉繼祖命報恩寺僧知性祛礙剔穢豁然虛明因以劉公名

名勝志

德巖

即彈子崑也在城西五里玲瓏空洞濶四五丈高如之內產石子如彈因名 真仙崑在縣南六里仰視高遠青白錯雜靈壽溪出焉泠泠清響作環珮聲中有白石如天尊像舊名靈巖山又名老君洞宋咸平中改為真

仙品頌太宗御書百二十軸藏於內張孝祥磨崖大書
天下第一真仙之巖八字又有宋元祐黨籍碑巖背里
許平地中有二潭相連大者數十畝小者一二畝水色
紺碧中多靈產名安靈潭 雲際山在縣北十里甚高
峻上有翠玉寒碧二泉山頂出雲多雨雲淨則晴近西
為石門山背江兩山夾峙崖石峻削如門狀土人謂之
上石門在縣下者謂之下石門 銅鼓山在縣西南二
十里舊傳諸葛武侯散埋銅鼓以服蠻獠後有得于是

山者山下有銅鼓灘 採藍洞在縣東北二十里四面
青山護列洞中平地如砥石上有硃書採藍洞三字
鐵船山在縣西三十里遙望髣髴一船尾插絕頂崑間
又有仙女泉以七月七夕嘗有仙女浴於泉側 聖山
在縣北四十里長安鎮高七八里上有廟祀虞舜因名
近東為四盤嶺上下二十餘里嶺道縈紆 寶積山在
縣東五十里產鐵及盧甘石近北為天堂嶺上有一泉
長流不竭登扳飲者以為天堂也 潭江合縣保江浪

溪諸水與龍江并入於柳 保江出縣北杲村至魚樓
浪溪江出縣大段村至長安靈壽溪在縣西南出六村
背江在縣北流經羅城俱入于融

來賓縣

石牙山在縣南三十里平地有石峭拔如象牙又三十
里為金峰山方輿勝覽云山有寺大石當其殿前寺僧
禱于雷神欲去此石忽風雨晦冥頃之開霽則石已移
在山中宋有佛日禪師金華開山第一祖也

名勝志

白

雲山在縣北二十里洞至深邃常有白雲籠罩其上
思玉山在縣北四十里舊經云昔人有得玉於此山者
再來求之不得因以名 居松山在縣南四十里山有
石門有自然石盆夏生蓮花嘗有魚戲盆中又十里為
穿山其山有穴南北相通相傳馬伏波時獲白鹿於此
瑞象山在縣西瑤光臺紀云郡之西山聳秀蔥翠四
時寒暑陰晴變態不一當其天宇澄霽修爾溟濛紅日
朝暾遊雲間出悉為白象之形宛若生成奔逐飄逸於

西山之上 雙泉巖在縣西北嘗有士人讀書崑中而患無水一日雙泉湧出濶丈餘夏涼冬溫 武禪山在縣境昔時有武志士者修煉於此每出赴人齋供則架青布幕為橋去五七里遠至市廛宋皇祐初白日上昇大江在縣南發源遷江縣都泥江流合柳江牂牁水自牂牁來注之元和郡國志云嚴州有長水自牂牁流下來賓即此水也 古郎城在縣東南五十里九域志云在古郎山蓋以山得名周迴一里

象州

象山在州治西山多出雲其下有崑白石如象象州之

名本此

名勝志

鳳凰山在州東二里與東岡山相連

燕子崑在城北崑中空洞可容千人群燕巢棲于此其下有碧潭亦名龍潭山 白面山在州南七里石壁橫截大江如白面然又三里為鷺鷥崑一名鷺鷥峽其上

有石約四尺許叩之如鐘鼓聲呂景蒙名之曰石樂

獨傲山在州南五十里舊名天蓋山宋乾德間邑婦獨

孤氏與夫妹傲氏採菖山中飲泉見有雙鯉戲水傲氏取之身陷其中獨孤氏往救亦陷俄無形影月餘在室中呼其父母曰吾二人乃仙女因有過謫於人間今當還故來辭耳衆咸異之呼為獨傲仙女亦以名其山

居鹿山在州東北四十里上有鹿池舊經云天欲雨輒先有雲如鹿起於池中 濮泉在州東四十里松檜森羅水石交映州人遊賞之地其上為石牛山山多怪石常有雲霧蒙罩天色晴霽儼然牛像頭角俱全 雷山

天欲雷雨則此山先有雲霧又四十里為聖塘山高峻
懸絕昔有藤根垂地人或攀藤而上有一池水清冷可
愛魚鼈游泳桃李樹環遶之且多猿猴自藤為風雨折
去人迹遂絕風土記象江即柳江也經州城西而州東
七里有七里江出天堂嶺入于象江名勝志元至正二
十四年清規院池中有龍居焉寺鍾常夜飛入水與龍
鬪勝而歸則聲振林木偶一夕不回僧往視之見龍蟠
踞鐘上寺遂廢值冬水落清徹猶見其影

武宣縣

仙人山在縣西十里嶺表記云唐賈鵬隱此

名勝志

仙

巖山在縣南四十里崑高一丈深十倍之可容數百人
壁上有仙人影中有泉滴成乳 石羊山在縣西六十

里峭壁上有石如羊俯臨大江江中石影頭角尾蹄俱
全又石上有大字六行隱約如草書無路可行莫能辨
其真相傳以為古仙留題 銅鼓瀨距縣十里昔馬援
南征得銅鼓於此廣化記曰獠人鑄銅為鼓以高大為

貴面濶至丈餘者初成縣於庭尅晨置酒招同類來觀
永通峽一名斷藤峽在縣南三十里接潯州界民謠
曰昔永通今求通求不得葬江中誰其作者噫陳公按
即都御史陳公金也

賓州

領方山在城東一里古郡縣名皆因之今設學宮處有
宋淳祐中進士題名碑名勝志仙影山在州城外相傳

有二仙女遊此因留影崑石間舊設解鞍驛在焉州

南門外圓珠嶺在大江之濱如珠圓抱故名又里許為銅鼓嶺嶺上行人逢逢有聲如銅鼓也又三里為頂山舊傳漢陸賈使越時所經又三里曰武淥山又五里曰南山 葛仙嶺在州西十五里有洞深邃可容數百人宋乾道間知州葛翁葺亭其上右在馬嶺之傍 與馬鞍山相連者白村砦也舊傳砦中暗通武緣縣以火燭之乃可行又五里為金雞山相傳有金雞飛集其上又二十里為古漏山泉如滴漏四時不竭州守王舉開浚

得之甘冽可飲 羅鳳嶺在州北十五里形勢蜿蜒為
治屏障近東曰銅泉山以出銅泉故名又三里為石壁
山與白羊山相對其側有廖平嵩清勝奇絕四圍堅密
如城郭宋時廖陸祖者居此 鎮龍山在州東南燈臺
山在州西南各八十里極其危聳接南寧永貴武緣上
林諸界迤邐二百餘里 寶水在州西南三十里自賓
水派合東流出李依江合于柳李依江源出琅琊鄉過
遷江趨于柳古融州商舶俱于是出 武陵江在州東

三十里源出武淥山合浮江水 白鶴泉在州南三十里源出南山至瑯琊鄉通鶯寨泉俱合李依

上林縣

扶嵐山在縣北五里其山八分矗若扶欄因建八角仙亭于上又五里為石光山崑石晶潔日照之有光名勝志

古祿山在縣西七里土有石壇號仙殿宋雍熙中有盧氏年十歲登山採茶遇仙於此又縣南五里古祿水出焉 思鄰山在縣西五里昔有何鄰者精道術年百

餘歲隱居于此後不知所適鄉人思之故名又里許為
羅勾山以山勢盤屈如勾也又三里為大明山蜿蜒疊
聳中有五峰插漢四時雲霧隱現不常有深潭相傳
吐光時照數里又縣東七里嶺上亦有夜光與大明山
交映名爭光嶺 鎔鄒山在縣南十里昔人有得鎔鄒
寶劍于此故名又十里為雞籠山中洞宏濶可容百人
石蓬山在縣東南十里平地特起中有崑洞容數百
人下有小江穿石縫中水清碧多魚 止輦山在縣東

四十五里平地突起圓阜其形如輦上有古木一株亭
亭如蓋 智城洞在縣東二十里唐初韋厥持節來伏
生蠻後隱於此因為上林人有韋敬辯所撰碑存又三
十里曰羅洪山其中有洞宋韋旻讀書處旻號白雲先
生遇異人有所得章子厚招至象臺勸其勿以榮辱為
念因歸集書一樓閉門誦讀無所不通鄉人以書樓目
之象臺即今州驛所 獅山螺山俱平地特起與羅洪
山相向有水出焉曰獅螺江 古淶山在縣西南五十

里古樹參天遠望蔥蔚其下有古淥水 澄江出大明
山下入馬波唐以此縣為澄州治所其名本之黃龍江
里仁江化龍江周江皆在縣北其流注于馬波馬波發
源茶江流入遷江有章光水淡竹水樊廟水皆合注之

遷江縣

鐘山在縣北一里其下有嵒

名勝志

寶積山在縣東二

里疊石崔嵬不通道路頂平可居 印山在縣西二里

上有石盤瀦水盤內時出石魚一雙中有八仙洞下有

白石牛身全見而二足隱又一里為烟合山層巒疊聳
林壑深蔚時出烟霞故名 泊艦山在縣北五里其下
有崑足容數百人石筍奇甚舟過者皆駐觀之 古黨
山在縣西十五里唐書有黨州乃開古黨洞時置又有
澄江洞獠人所居無田而有山畬刀耕火種 潮泉在
縣西八十里泉水湧出一日三潮自羅月鎮入于都泥
江 鷓鴣山在縣南二十里郡志又謂之白鶴山其下
有洞名白龍江水出焉曰龍江縣西二里有賀水又八

里有武節水縣南十里有武繩水皆流注之

慶遠府宜山縣

宜山在縣北二里龍江上江源自貴州都勻府流至城

北而東兩岸石筍孤峭直下柳城合於融江

名勝志

北

山一名會仙山在城北一里上有白龍洞洞有石龍鱗

甲宛然唐末河東陸禹臣居大嵒修煉後屍解仙去又

里許為天門山兩峰如削率律參天宋馮當世祖墳在

焉其子孫所居曰馮村南山在城南五里山有洞軒

敞如屋中有石龍鱗甲皆具因名龍隱洞前有廣化寺
宋真宗嘗賜御書十六軸藏之閣中州有盧僧者名德
洪自幼棲止于寺一旦不知所之 九龍山在城西南
六里山有石田高低井井洞口一潭深不可測州守張
自明墓在內 日山在城東隔江九里其西有月山距
城二十五里皆以形肖而名古讖云東有日山西有月
年年征戰無休歇賴得西水向東流世代永無憂香
爐山屏風山在德勝鎮羊角山在河池所俱屬府西

龍泉在城南二里泉湧僅一勺然灌溉甚廣其水重于諸水黃魯直編管宜州暇嘗秤之果然泉上有石橋舊名歐公橋山谷易之曰龍濟橋

天河縣

北陵山在縣西二十里麓有泉水里人有吳生者師事陸仙翁修道於此名勝志三潮水在縣西一十里一日

三潮潮退則其流一線可以溉田因名聖水

河池州

吳山在州前其下即秀江也智州山在州西四十里綿

亘百餘里舊智州治設此

名勝志

金城山在州東五十

里舊金城州以此為名太平山在金城江次崑上鑄天

下太平四字

思恩縣

寒山在縣南五里土人謂之寒坂以山高多風炎方之

人甚宜之

名勝志

緝山在縣北二十里土人謂之暗嶺

以其山嶂崇疊日光少見故名

石崑洞在縣東二十

里三峰之下天成崑穴寬約五六丈有泉自穴中湧出
環江在縣東六里唐環州治也帶溪在縣北四十里
源出荔波至此旋流如帶入龍江宋之帶溪寨設焉又
十里為婆婆泉其泉常隱不見遇行者渴而求飲則湧
出

荔波縣

方林山在縣北五里

名勝志

水崑山在縣西十里其下

有水從崑中出

勞村江在縣東南一百二十里

梧州府

史記帝舜南巡崩于蒼梧之野山海經曰蒼梧之山帝舜葬于其陽丹朱葬于其陰文韻注漢書以為九疑之山半在零陵半在蒼梧也魏濬引玄中記云堯時有何侯者隱蒼梧山至夏禹已二百餘歲五帝賜之藥一器家人三百餘口同昇今為太極真人按此則蒼梧已著名于堯之世矣

名勝志

舜葬蒼梧之野有鳥如雀名曰

憑霄自丹州而來銜青沙珠積成隴阜名曰珠丘今蒼

梧採藥者時得青石潔如珠服之不死帶者身輕

洞冥記

圖經云朱臨水在郡城南後漢郡守陳穉升郡事暇

時釣魚於此

名勝志

朝臺岡在城北六朝范曄築臺山

上遇正朔輒率羣僚望朝而拜

蒼梧縣

繫龍洲在城東七里大江中亦名七里洲江水巨漲洲

獨不沒故謂之繫龍洲

名勝志

水井在城東水井寺內

其水澄湛不涸味甘且冷唐經略使元結目之為水井

又為銘刻石上其前有浣清堂今廢 鰐池一名思良江在城北二十里亦名多賢水其中鰐魚有四足長者二丈恒在山間伺鹿亦能啖人攷搜神記扶南王范尋養數虎於大雲山以罪人投之無罪者虎不食乃赦之又於池養鰐魚十數頭投之如大雲法 大雲山在城東北隅有伏虎窟蟠結危聳即范養虎處今投虎之事寂然乃有三界廟者廟中小蛇十數背青腹赤目有火光常緣神身及蟠繞藤香土人以手接而玩之甚馴習

往來莫知其嚮有祈願越期未賽者蛇輒至其家人驚
曰神索願也友人鄭紱偕予至梧渡江祀之果然廟在
火山之麓 寰宇記云火山府城南隔江山下水深無
極山上有火每三五夜一見如野燒或言其下水中有
寶珠光燭於上或言南越王尉佗藏神劍於此故騰焰
如火山有荔枝四月先熟吾閩稱火山荔枝本此又產
獸名靈麋生三足郡中有災福及使車將至則先鳴唐
沈佺期詩身經火山熟顏入瘴江銷虞衡志云嘉魚在

火山下丙穴中狀如小鮒魚味極美脊末尤佳 三江
以左右二江合府江匯于城南故名府江一名桂江即
灘水也水經注曰鬱水又逕蒼梧廣信縣灘水注之又
東逕番禺入海是矣漢武帝使馳義侯發夜郎兵下牂
牁江會番禺即此也水傍有石英山宋產石英充貢英
山之左有鶴飛岡相傳南漢太守劉曜嘗鑿斷之俄有
雙鶴飛逝於上又城北六十里有通星山亦傳曜所鑿
以觀星象者 金石山在城東二里圖經云吳時有道

士牽牛渡江語舟人曰船內牛糞聊以相酬舟人視之
牛糞皆金須臾道士與牛並隱石下 石鼓洞在城西
北五里山巔有洞洞下為慶林寺其左臨江為高明亭
故址 蘇山在城東南八里大江之潞相傳宋蘇軾被
謫南行泊舟於此山下故名 立山在城西十五里東
臨大江山坂平行西極險隘一徑通藤 印山在城西
北三十里其形正方如印特立水塘中塘曰大印塘
漢孝子丁密墓在縣內密遭父喪廬於墓側有雙鳧游

密舍傍小池見人馴伏後遭母喪復廬墓三年雙鳬游
戲池中亦如之全時有頤琦者母喪獨身造墳歷年乃
成手種松樹成行感飛鳬白鳩之瑞南史范雲為刺史
遣使祭密及琦墓是也 唐吳武陵墓在城內桂芳橋

石刻唐咸通二年立 城冢記云農城縣在治西南晉
置劉宋時廢郡國志云縣有銅山銅湖銅丘 戎城縣
亦晉置宋咸平省入以地置戎墟鎮 歌羅城在治西
南六十里隋開皇李賢築以屯兵者 朗吟亭在城東

跨濠通放生池舊名飛仙以昔有神仙朗吟其上 武
竈渡在逋運所前桂江之側 戎墟渡在城南二十里
大江上通長洲即宋戎墟鎮 五兩渡在縣東二十里
本唐詩惡說南風五兩輕之句

藤縣

東山在縣東一里上有李衛公祠以公南征嘗駐師於
此名勝志 南山在縣南二里頂平如砥上有杏壇松崖

竹巷芹澗皆清絕勝地附近為石壁山嵒巒相倚松檜

倒生其下即大江也又有石人山危石臨潭遠望如人
龍驤山在縣南七里數峰聳列下俯清流晉龍驤將
軍陳隱鎮此嘗駐兵山下故名 登嶼山在縣西十五
里二山南北對峙江中蒼翠相望溢於眉睫 六爻山
在縣西九十里山形交加如列成卦 赤水峽在縣東
六十里峽南有崑深濶丈餘頂竅通日光相傳李白嘗
過此因名李白崑峽與崑相對壁立而一水中流舊有
廣惠寺今置巡司其上 白藤嶺在縣西南一百里路

通容縣多產白藤今昔州縣俱以此名 藤江在縣北
源出交趾至邕州左右江至此與繡江合又東流至番
禺入海蘇子瞻詩繫州藤江下云云按宋紹聖間黃門
蘇轍責授化州別駕其兄軾亦徙儋州相遇於藤作詩
倡和即此處也 鐔江在縣東南自高州北流徑容縣
至縣城東入於黔鬱唐武德初有宣撫使者至此艤舟
遊慈聖寺以金杯挹井水杯墜井中汲水至乾不見杯
只得一龜長一尺二寸宣撫解紅勒帛繫其腰放之井

祝曰爾若有靈當漲杯出水及歸至寺門塘見龜踴躍
塘內次日遊乾亨寺道忽見前杯自澗流出又見前龜
紅帛仍繫於腰又拾龜而放之曰爾若有靈同歸供養
是夜風浪忽起宣撫舟中有一寶劍浮水而去明日集
網窮搜不見但得古藤一根而埋之乃至西岼又見龜
迹環繞及秦改移鷺州於此仍依龜迹築城名其地曰
鍾津且於寶劍躍水處名劍江 注玉泉在縣西南宋
秦觀詩中有涵雲注玉之句故名元余觀亦有詩桂

山泉在縣東二里色白味甘余觀有詩 鳴兒灘在縣

南三里明富禮有詩 金環灘在峽內唐武德初宣撫

使於藤州得馴鷄能言語歌舞獻之內庭歲餘不語怪

而問之答曰身居南土生長禽中父母異方故不敢言

上憐之賜以金環而遣之歸比歸舊巢母已死鷄以所

賜金環殉母身畔鄉人感焉為之立塚

廊露赤推

榻州託

州俱在縣東繡江上居民鱗錯

名勝志

容縣

大厯間元結為容管經略使植蓮于廨後池構亭曰面
面以其四周爽豁可矚蓮花而名相傳蓮塘內有銅鍋
一口每風雨夜與譙樓禁鐘相搏鐘蓋唐貞元間物也
當事者屢欲徙之他處皆不克達若還之祇用其力之

半

名勝志

濯纓亭在城西三里繡江上有石橫江枕流

上平如砥可坐數人石罅如紫玉尊受水數斗次山亦
名之為窪尊其水色似滄浪故以濯纓名 城南江即
容江也一名繡江有駱駝橋跨之唐貞觀二年建縣於

此至元始遷江源出北流藍山經縣城南東流入藤梧
距城十里有讀書臺巨石蟠江上如砥昔漁人繫舟
夜宿其澣聞石上朗誦書聲故名 北靈山在縣北二
里其狀似龜亦名真武嶺又八里為陵雲山勢高入雲
上產斑竹 西山嶺在縣西二十里嶺斜而長聯絡不
斷迤北即大容山 大容山在縣西北二十五里高五
百丈周圍一千餘里鬱林高潯諸州分據其麓 都嶠
山在縣南二十里山有八峰曰兒子馬鞍八疊雲蓋香

鑪仙人中峰丹竈而八疊最奇秀有南北兩洞道書第
二十洞天南洞寬廣平坦中有浮屠大像北洞差狹為
星壇者八中峰絕頂有室曰中宮院宋隆興中有梁賢
者與友人遊此見有閣宇三間傍多梅林取一顆啗之
自是遂不粒食蘇東坡贈邵道士詩乞得紛紛擾擾身
結茅都嶠與仙鄰即此 楊山在縣西凌雲里唐楊貴
妃產於此有井尚存曰楊妃井妃小名玉環父亡母葉
氏懷孕十三月而生妃後軍都督部署楊康以財帛求

之為女三歲聽康親女讀書即能成誦時長史楊玄琰
攝行帥聞之遂倍金帛與康得之選入壽王宮明皇召
入內為貴妃號曰太真 龍母墳在縣南二百里白花
村沿澗而入層崖濺瀑飛下數十丈瀑之左羣峰盤竦
稍夸處儼成一月堂龍母墳在焉東偏有小石池容水
數斗石壁如削下臨急湍不能容步衆流奔瀉百數十
尺乃匯為深潭渟泓莫測龍蓋蟄伏于此初徭人婦入
山中久不返衆往覓之則為龍所據陰雲罩幕既歸所

居常有寒氣人莫敢近婦不自覺也娠歲餘產一龍胞
中無血止下水數升頃之雲霧交集騰舉而去婦亦無
恙後數歲婦以病死方殯忽有龍自空中下盤旋蜿蜒
數四遂擁其骸以去衆隨之至其地石忽自裂龍寘骸
陷而入焉石復合後龍常至其家飛繞屋前久之乃去
岑溪縣

高城山蟠結縣南勢競高遠土人以為石人嶺有巨石
如人立狀名勝志烏峽山在縣北十里壁峻千仞縣治

是憑舊有烏峽巡司今改上里河村去縣四十里都
盤山在縣南二十里一名羅山 丁蘭山在縣東十里
有丁蘭村為漢孝子丁蘭故居或云孝子丁密非蘭也
一名丁郎山其下有泉名孝感泉密字靖公詳蒼梧下冷
水山佛子山並在縣西南三十里兩山相接如翼之張
縣以為輔 要我山在城東一百里崢嶸秀特又名秀
峰即秀江之源也縣南有皇華江縣西有潘洞江俱出
連城鄉經縣前西流入于繡江下滕峽入梧 晉勾漏

金定四庫全書
令葛洪在縣東六里山修煉有棋盤石澗流涓涓入石
竅中因名葛仙嵒相去里許有石穴出泉甘冽名葛井

懷集縣

縣西南有懷溪合馬寧花兜諸水經廣州入海其南峰
有釣臺石臨溪水色澄泓時出白魚游泳可見按懷谿
發源齊嶽山在縣西北一百里峭拔出於衆山之上望
如嶽齊故名名勝志天馬山在縣南五里唐地里志驃
山疑即此四門嵒在縣西五十里突起平地中有石

室外有四門崑中石乳凝結為柱者八為蓮花者一此
崑之東北又有遊仙崑崑中化龍石一石人一西南有
三潮崑崑中有泉應潮輒湧潮崑在縣西八十里徑
窄而暗其中明敞滴乳凝結為珠玉纓絡鳥獸龍蛇之
類甚多此崑西南又有燕崑石峰峭拔入洞深邃中有
石僧芝菌棋局以多蟄燕于此故名梅子山在縣東
一百里中多梅樹掩映成林白崖山在縣西南百五
十里山嶺險峻白石楚楚望之如雪故名古龍湫在

黨山大凹潭深不可測相傳有龍潛其中每風雨時作
潭自有聲歲旱祈禱輒應上愛嶺與新州四會縣接
壤唐神龍間五祖傳衣鉢與惠能密囑能速去恐人害
之嘗潛至上愛嶺最高峰頭石室棲遲至今猶傳曰六
祖嵒長慶年間洊水縣建寺以尊崇之後寺廢乃于道
士嵒前重建道士嵒即花石洞也晉葛洪字稚川號
抱朴子嘗遍遊名山過洊水縣覽花石洞遂居之采覓
丹砂及金鵝蕊諸藥丹竈中鐫抱朴二字水漬墨跡隱

隱尚存後人遂以道士名崑

鬱林州

圖經信石山在州東南二里一名牢石坡坡上夾石側
豎如鐘唐置牢州以此每歲秋期鄉人共候此石若有
雲氣覆之歲必大稔

名勝志

石柱坡在州南三里柱高

三尺相傳馬伏波立又七里為兩道嶺峰嶺稠疊博陸
二縣經由此分 寒山在州北二十里九域志云越王
佗遣人入山採橘十日方回問其故云山中太寒不得

歸故名 荔枝山在州東南二十里出荔枝夏月如錦
屏障 隱仙嵒在州西二十里石室幽邃壁上題元和
十四年來遊七字附近為黃都山九域志云昔有樵夫
入山迷路見黃衣冠者五人語之曰吾都此山者也故
名 水月嵒在州東南二十里洞中虛明石乳凝結如
琅玕倒垂澗水從嵒中流蕩漾激石遵澗行為陰洞遊
必列炬跨木渡澗數十步水石益奇削為芙蓉伸為仙
掌渦盤柱立翔飛疾馳無所不有又出洞西南行扳緣

而上有一峰拔起草木森蔚洞在其腹是曰天馬洞洞中有馬蹄跡莫紀其數直入石二三寸許又有釣天洞分上下二界即天馬西峰也下洞涉潭水始至臨潭有二石叩之作金玉聲上界軒豁可布十筵坐聽考鐘擊石琅琅如鈞天之奏已拂日光矣邇其初入洞兩山欲合未合之間上露一道天光曖曖如昧爽初曙澗流紆折與之相應又別自一世界也南流江在州之左南流縣以此名源出大容山會綠鵝水西南流十餘里八

疊嶺迴過羅望江至廉入海江濱有巨石如伏犀石間
二竇水各湧出仍合一派迴數十步入江宋嘉定十六
年忽湧紫水因名紫泉 五龍潭在州南三里其水甚
深色如靛旁有石壁狀如雕鏤 司命井在鬱平廢縣
縣即唐麟德初所析置也南越記云縣有石井甘淡半
之可給合境不竭又其南有石室皎潔明朗中有石人
像中一石床可坐百餘人 郡國志馬援造銅船一既
歸付程安令沈於渚天晴水澄往往望見船樓上恒有

四寸水不知幾十丈許 顧微廣州記云鬱林郡東南
山上有池池有石牛百姓祈雨殺生牛以牛血和泥泥
石牛背祭畢即大雨洗石牛背泥盡乃晴又有西甌池
在郡西越王遣甌脫淬劍于此晨夕常有煙氣今西甌
驛沿其名

博白縣

衛公山在縣東十里有靈應侯壇相傳即李藥師也其
側為洞房山高廣玲瓏綴乳丹碧麗若雕房宋劉子羽

謫居時置有尋山堂今廢

名勝志

雙角山在縣西十五

里雙峰角立綠珠江發源於此又十五里為綠羅山其

下有綠珠村 將軍洞在縣南三十里洞凡三重石室

虛明中有石田石龍石廩有溫涼泉分為二派而流石

壁上刻南州太守領將軍龐孝泰十字 伏割山在縣

西四十里鸚鵡孔雀諸禽多出其中下為伏割村 金

魚山在縣西南五十里舊傳曾產一角羊於此山下有

石井深十餘丈多金魚 又十里為宴石山北岬臨江

中有二石流泉瀆激崖宇虛曠峙於其巔寰宇記以為
南越王宴坐處 飲馬江在縣南一里漢馬伏波南征
飲馬於此 綠珠江在縣南七里嶺表錄異云白州界
有一派水出自雙角山合容州江是謂綠珠江昔梁氏
之女有容貌石季倫為交趾採訪使以真珠三斛買之
梁氏之居舊井存焉飲者必誕美女西事珥云後人以
巨石壓之女生雖麗而根竅遂多不全者

北流縣

金龜山在縣東二里口吻尻足皆具遠近視之無不駭
為真者與會靈臺隔江相對亦高山也上有瀑布崑洞
名勝志 梧臺山在縣南天門山在縣西與穿鎮公界諸

崑為縣西南之鎮 勾漏山在縣東北十五里平川中
石峰千百矗立特起其崑穴多勾曲穿漏故名山有靈
寶觀觀東有龍潭洞冷襲毛骨觀後二小洞南向者曰
太陽北向者曰太陰由觀後西北行即勾漏洞洞前俯
瞰有橫塘石室室東為寶圭洞秉燭而入丹竈床几盤

甕礪臼皆石乳自然凝結而成約半里許水涯循梯直
下拏竹筏而行歷甕門三四重間闕委曲窮水際益廣
益奇矯首見一點煙如長虹出天表蓋石罅之容光也
捨筏躡梯扳躍而上其中一室曰蟠桃深三四百步仰
視高處杳不見頂其西小室明朗連榻周遍可踞可卧
是為道書第二十二洞天按北流志云晉葛洪為勾漏
令嘗於寶圭洞修煉成仙邕州志云洪勾容人聞交趾
出丹砂遂遊邕訪羅山寺修煉丹成復遊勾漏羅浮以

去廣州志云洪將之勾漏至廣州刺史鄧嶽留之不聽
去止於羅浮煉丹忽與嶽疏云當遠行尋師嶽急往別
及至洪已兀然而逝蘇子瞻與王定國書云葛稚川求
為勾漏令而竟化於廉州其說不一如此晉中興書云
洪亡時舉屍入棺輕如空衣豈其屍解於羅浮而復遊
於勾漏耶 通津嶠縣之南壩鄉後山疊峙絡繹不絕
石門二南北對關高朗侔闕有清溪自南門入流可二
百餘步有一水自東石穴中來注之二水合流從北門

出陽光交映石室虛爽水石又堪容與 綠藍水出綠
藍山其流有二一經廉州入海一經容縣至番禺入海
有橋曰落桑跨綠藍江去縣東二十里 銅鼓潭在縣
北二十里昔有銅鼓浮水而出擊之聲駭村落至暮復
沈水中明景泰三年其鼓復出舟人獲送本縣譙樓至
今存 馬門灘在縣西南四十里漢馬援南征以江流
迅急鑿去其石餘二巨石雙立為門其中流水如奔馬
故名 北戍灘在馬門灘下唐高駢為安南都護平蠻

北歸患其湍險屬防遏使楊陵疏濬之 鬼門關在縣
西十里兩山相對間濶三十步馬援討林邑蠻路由於
此立碑石龜尚存往來交趾皆由此關其南尤多瘴癘
去者少得生還諺曰鬼門關十人去九不還我洪武初
勅改為桂門關宣德中改天關

陸川縣

後陽山為縣所据羣峰疊嶂起伏不齊

名勝志

東山去

縣八里高三十丈中有泉水南入妙洞其下為金砂溪

文龍山在縣東北十五里山下有水流遶縣前雙
龍山在縣西南二十里山高百仞雙瀑流注即古龍豪
縣治也 鳴石山寰宇記云董奉既死人見於鳴石山
山海經云長石之山洪水出焉山多鳴石即此 石袍
山方輿記云山多竹木蔥翠如袍山有肉翅虎下山食
人食訖即飛還絕崑 白羊山山色潔白四面懸絕上
有飛泉下有勾芒木可為布 文黎山在縣南產黃白
藤及多鷗雉蚬鹿有水滌洄凡九十九渡 六穿石在

縣北壁立如碑高丈餘上穿六孔 簫韶山九域志云
嘗聞音樂於此 崑崙水在縣東水中有石似崑崙下
流經廉州入海 平南水在縣南二十五里合龍化江
流入伏波灘

興業縣

萬石山在縣西四里峰巒錯落如累石然其下有石井
流澗詰曲土人修楔於此名勝志 東斗北斗二山俱在
城外十里東斗之外又有東山山上有泉從石飛下百

餘仞望之如翔鸞舞鶴舊建有飛泉亭今廢 綠陰山
在縣南十里有木如榕大蔽數十畝一名甌山鳴水江
遶其下 翻車嶺在縣北二十里龍母江之源也險峻
難行車轍易倒故名 鐵城山在縣南十五里周圍巖
竄皆鐵色其中平行容數百家外繚石壁險固如城上
多石竇泉流不竭山有四門惟東首可通人行南門有
土基相傳為古敵樓西北二門多石艱阻圖經云石南
郡縣舊設于此宋至道二年移治南流山北一里有古

州崑廣數丈崑中有潭四時不涸又東入一竇有石懸下如鐘叩之鏗然石壁間有元和十四年來遊等字

白馬崑在縣西十餘里遠望如馬其中深廣可容數千人又有三四小洞幽深莫測上透天光牛龍崑在縣南二十里中可容千牛每冬寒則居民驅牛入崑以避又有龍蟄於此

粵西文載卷十四